

Guangjisi Minzcu Bau

ganhhau: CN45-0036 B.2015 Nd.3 Ng.4 liggaueq ietfeih nienz ndwencieng cibseiq

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3163期

Heiqfoux Bouxcuengh《Gyaep Bae Henzmbwn》 Ndaej Vunz Ouhcouh Haenhndei Gyoekgyoek

壮族舞剧《逐梦天涯》惊艳欧洲

Geij ngoenz gonq, gicej daj Nanzningz Si Yisuz Giyen ndaej siusik, 1 nyied 30 hauh daengz 2 nyied 22 hauh, aen heiqfoux hung Bouxcuengh heuhguh 《Gyaep Bae Henzmbwn》 daih'it baez youq Ouhcouh yienjok, youq Yinghoz Lunzdunh、Fazgoz Bahliz、Dwzgoz Fazlanzgwzfuz、Suisw Yizneivaj、Bijlisiz Bulujsaiwj daengj haj aen singz liebyienj 14 ciengz, hawj bouxngonz yawj Ouhcouh ndaej yawj gij yienghsiengq maenhndei heiqfoux Bouxcuengh.

《Gyaep Bae Henzmbwn》 aen heiqfoux dwg neix ciuq cit goj《Mehlwg Ra Henzmbwn》 gajbien, couhdwg

gangj le gij saeh gvendaengz song mehlwg Bouxcuengh doengzcae haenqrengz ra gijrongh. Daengx aen heiq neix baijok le minzcuz funghcingz gih raeuz lai cungj lai yiengh nem gij minzcuz singgwz nem minzcuz cing-saenz vunz Bouxcuengh gyaepa gijrongh、mbeilau maenhdingh、mbouj-duenh baenaj、enjaek doxhwnj.

Baez yienjok neix ndaej vunzlai fanjwnq gig lai, Fazsinhse、Feigyahloz Bau daengj gak aen meizdij hung de baudauj le baez yienjok neix. Fazgoz boux cozgyah Bulijsai naeuz: “Aen heiqfoux neix yienh'ok le gij hung-mbwk gvendaengz vwnzyoz ndaw

biengz Cungguek, hawj bouxyawj gig gamjdoengh!” Bouxyawj Yinghoz heuhguh Sanghnaz yawj liux haenh gyoekgyoek bae: “Daih ndei lai! Doenghboux yenjyenz diuqfoux de aen ndang yienj ndaej daengz giz cei ndei, neix dwg gou baez daih'it yawj heiqfoux Cungguek, baez daih'it couh saeng daengz ndaw sim!” Suisw miz bouxyawj ndeu heuhguh Lozdwljgoh nyinhnaeuz, daengx ciengz yienjok caemh miz doenghgij yienhdaih nem conzdungj, baez yienjok neix baijok le aen goj Cungguek ndeu, danhseih ningdoengh daengz ndawsim vunz sihfangh (Ouhcouh). (Cinz Vwnz/秦雯)

SIUSIK DINJ

简讯

● 2 nyied 25 hauh, Sanglinz Yen youq yienhsingz gawjbanh 2015 nienz yienh-ciengz cauhibnvei, 40 lai aen giyez daj ndaw yienh rog yienh daeuj gizneix aeu vunzhong, 3000 lai bouxrahong daeuj camgya baez cauhibnvei neix.

(Lanz Couh Lij Nenzcwnj)

● 2 nyied 26 hauh, Liujcouh Si Cungjgunghvei youq Sanhgyangh Duncuz Swciyen Gujyiz Cin Minzcuz Dohyeh Gvangcangz gawjhengz cauhibnvei, 120 lai aen giyez daj Liujcouh Si nem ndaw yienh daeuj neix daezhawj geij cien aen gangjvei hawj doenghboux nungzminzgungh senj hong guh.

(Gungh Bujgangh)

● Cieng coseiq daengz cieng cocaet, Lozcwnz Mulauj-cuz Swciyen gawjhengz daih-roek gaiq daengx yienh lajmbanj vwnzyi comzyienj hozdung, daengx yienh 60 lai aen vwnzyidui 1000 lai boux yenjyenz ndawbiengz byaujyenj 90 lai aen cezmuuz, diuqfoux、siujbinj、caijdiu、mozsuz daengj, cezmuuz lai cungj lai yiengh, neix hawj vunzlai angqyangz vuenyungz dwk gvaq cieng ndei.

(Veiz Yuzdai)

● Bineix ndwencieng, Siengcouh Yen Swcunh Cin Danzcunh boux dangjyenz mehmbwk heuhguh Ouh Haij-yinz guhdaez ok 5000 maenz hawj ndaw cin guh ndwencieng vwnzdij hozdung, youq de yingyangj lajde, daengx cin 13 boux godijhu ok cien ok rengz, gyoengqde gungh ok ngaenz 3.8 fanh maenz.

(Liu Bwnjvei)

● Cieng co'ngux daengz cieng cibsam, Denhdwnj Yen Duhgangh Yangh Gyangsiengz Cunh Mbanjlungzduz gawjbanh vad ruz、dwk lanzgiuz、vwnzyi vanjvei daengj hangh doxdax, neix yinx le ndaw cunh rog cunh gyawj cien vunz camgya doxdax.

(Vangz Lilanz Nungz Gveilanz)

Yungzsuij: Mbanj Duncuz Gvaq Cietbaebo Gig Nauhyied

融水: 侗寨热热闹闹过“热伴节”



3 nyied 1 hauh, liggaueq cieng cib'it, Yungzsuij Myauzcuz Swciyen Gunjbei Duncuz Yangh guh hozdung gvaq cietbaebo. Doenghgij aenvenz byaujyenj-dui doxcomz giz ndeu, boq aenvenz, diuq fouxcaijdangz, angqoh ciengmoq; ndawde doenghboux yenjyenz dwg vunz Duncuz nem Myauzcuz, gyoengqde daj ndaw yangh nem yanghcin doxyawj daeuj. Ndw doz dwg dahsau Duncuz dangdieg cingq diuq fouxcaijdangz.

(Liu Swjyenh/廖子渊)

Cauhbingz Yen: Senhveiz Yauzcuz Yangh Guh Giengz Canjyez Coicaenh Ginghci Fazcanj

昭平县: 仙回瑶族乡强产业促发展

Gaenh bi daeuj, Cauhbingz Yen Senhveiz Yauzcuz Yangh doenggvaq gyarengz guh daegsaek canjyez, coicaenh le daengx yangh ginghci sevei ndaej fazcanj. Bi' gvaq 8 nyied, aen yangh neix laeb le raetmoenggaex ndaem dajndaem gihdi, guj daengx bi ndaej raetsauj 120 dun doxhwnj, bi

canjciz ndaej 700 fanh maenz daengz 925 fanh maenz, hawj nungzminz gyalai souhaeuj 100 fanh daengz 225 fanh maenz. Guj doenghgij ranz dajndaem de moix ranz ndaej laisou 5000 maenz doxhwnj. Bi' gvaq aen yangh neix 100 lai ranz nungzhoh doenggvaq dajndaem raetmoenggaex

baenzfouq, hawj lajmbanj 200 lai vunz ndaej hong guh. Aen yangh neix cengaeu bineix youq daengx yangh doigvangq, sawj ranz dajndaem raet demlai daengz 300 hoh doxhwnj, ndaem daengz 800 moux, hawj aen yangh neix bienq akgiengz, vunzlai bienq fouqmiz.

(Luz Veij/陆伟)